



ALL INDIA RADIO

REGIONAL NEWS UNIT – SILCHAR

MORNING NEWS BULLETIN

BENGALI

29 JULY 2024

7:35 AM IST

আসামের ঐতিহাসিক চরাইদেউ মৈদাম ইউনেস্কোর বিশ্ব ঐতিহ্য ক্ষেত্র হিসেবে স্বীকৃতি পাওয়ায় প্রধানমন্ত্রী নরেন্দ্র মোদী সন্তোষ প্রকাশ করেছেন। গতকাল আকাশবানীর মন কী বাত অনুষ্ঠানে যোগ দিয়ে প্রধানমন্ত্রী বলেন যে চরাইদেউ মৈদাম ভারতের ৪৩ তম বিশ্ব ঐতিহ্য ক্ষেত্র ও উত্তর-পূর্বাঞ্চলের প্রথম সাংস্কৃতিক বিশ্ব ঐতিহ্য ক্ষেত্র হিসেবে চিহ্নিত হয়েছে। এই মৈদামগুলির গুরুত্ব সম্পর্কে ব্যাখ্যা করে শ্রী মোদী বলেন যে আহোম সাম্রাজ্যের প্রথম রাজধানী চরাইদেউ আহোম রাজবংশের গণ্য মান্য ব্যক্তিদের সমাধি ও মূল্যবান সম্পত্তিগুলির সংরক্ষণ ক্ষেত্র হিসেবে চিহ্নিত রয়েছে। প্রধানমন্ত্রী বলেন যে আহোম শাসকদের প্রশাসনীয় নীতি ও গণসম্পর্ক এতোটাই শক্তিশালী ছিল যে সুদীর্ঘ দিনের জন্য শাসনতন্ত্রকে শক্তিশালী করে রেখেছিল। শ্রী মোদী মহান বীর যোদ্ধা লাচিত বরফুকনের মৈদামে শ্রদ্ধাঞ্জলী জ্ঞাপন করে শান্তি অনুভব করেছিলেন বলে উল্লেখ করেন। চরাইদেউ মৈদামকে আসাম ভ্রমণের অন্যতম আকর্ষণ হিসেবে অর্ন্তভুক্ত করতে প্রধানমন্ত্রী পর্যটকদের প্রতি আহ্বান জানান।

দেশের হুঁসুতাত ও বঙ্গশিল্পের বিষয়ে বিশেষভাবে উল্লেখ করে প্রধানমন্ত্র আগামী ৭ই আগস্ট হুঁসুতাত দিবস পালন করা হবে বলে জানিয়েছেন। শ্রী মোদী জনসাধারণকে খাদী ও স্থানীয় হুঁসুতাত সামগ্রী ব্যবহার করতে আহ্বান জানান।

প্রধানমন্ত্রী মাদকদ্রব্যের দ্বারা সৃষ্টি করা ভয়াবহ প্রত্যাহানের বিষয়ে আলোচনা করে ড্রাগসের বিরুদ্ধে লড়াই করার জন্য সরকারের গ্রহণ করা মানস শীর্ষক বিশেষ কার্যসূচীর বিষয়ে উল্লেখ করেন। এটির হেল্পলাইন ও পোর্টেল সম্প্রতি খোলা হয়েছে। এছাড়া টোল ফ্রি নম্বর ১৯৩৩ -ও ব্যবহার করা যাবে। শ্রী মোদী জানান যে পূর্নবাসনের বিষয়ে কোনো উপদেশ বা তথ্য চেয়ে যেকোনো লোক এই টোল ফ্রি নম্বরে ফোন করতে পারবেন।

আজ সমগ্র বিশ্বে আন্তর্জাতিক ব্যাঘ্র দিবস পালন করা হচ্ছে। এ সম্পর্কে প্রধানমন্ত্রী নরেন্দ্র মোদী বলেন যে বাঘ ভারতীয় সংস্কৃতির অপরিহার্য অংশ হিসেবে বিবেচিত হয়ে আসছে। প্রধানমন্ত্রী বাঘ ও মানুষের মধ্যে সংঘাত দূরীকরণের ক্ষেত্রে রাজস্থানের কুলহারী বেঙ্গ পঞ্চায়েতের গ্রহণ করা ব্যবস্থাবলীর কথা উল্লেখ করেন।

রাজ্যসরকার ২০২১ সালের আগস্ট থেকে ২০২৩ সালের আগস্ট মাস পর্যন্ত eshram.gov.in পোর্টালে পঞ্জীয়নভুক্ত রাজ্যের পরিযায়ী শ্রমিকদের বিশেষ সুবিধা প্রদান করেছে। পরিযায়ী শ্রমিকদের নতুন রেশন কার্ড অথবা রেশন কার্ডে নাম অর্ন্তভুক্ত করার জন্য নির্দিষ্ট আবেদনপত্র সম্পূর্ণ তথ্যসহ পূরণ করে জমা দিতে হবে। এক্ষেত্রে আবেদনকারীর বার্ষিক আয় ৪ লক্ষ টাকার কম হতে হবে। আবেদনপত্র জমা দেবার শেষ তারিখ আগামী তেসরা আগস্ট। এই আবেদনপত্রগুলি সংশ্লিষ্ট জেলা মহকুমার খাদ্য,গনবন্টন এবং গ্রাহক পরিক্রমা বিভাগের কার্যালয়ে জমা দিতে হবে।

হাইলাকান্দি জেলা প্রশাসনের উদ্যোগে জেলার ৬২টি গ্রাম পঞ্চায়েত কার্যালয়ে অগাষ্ট মাস ব্যাপী খাজনা আদায় শিবিরের আয়োজন করা হবে। জেলার তহশিলদার এক বিজ্ঞপ্তিতে জানিয়েছেন যে আগামী পয়লা ও দোসরা অগাষ্ট আলগাপুর, রংপুর-আপিন, বড়বন্দ এবং বাহাদুরপুর গ্রাম পঞ্চায়েত কার্যালয়ে খাজনা আদায় শিবির অনুষ্ঠিত হবে। অনুরূপভাবে আগামী তেসোরা অগাষ্ট পাঁচগ্রাম, ধলাই-মলাই, নিশ্চিতপুর এবং বাঁশডহর-বড়হাইলাকান্দি গ্রাম পঞ্চায়েত কার্যালয়ে খাজনা আদায় শিবির অনুষ্ঠিত হবে।

সমগ্র রাজ্যের সঙ্গে হাইলাকান্দি জেলার ৬২টি গ্রাম পঞ্চায়েতেও জাতীয় নাগরিক পঞ্জীতে নাম থাকা ব্যক্তিদের বায়োমেট্রিক করে আধার কার্ড প্রস্তুতিকরনের কাজ শুরু হয়েছে। জাতীয় নাগরিক পঞ্জীর সময় সৃষ্টি হওয়া এই সমস্যা সমাধানের জন্য আসাম সরকার ইতিমধ্যে এক নতুন প্রক্রিয়া শুরু করেছে। উল্লেখ্য রাজ্যের প্রায় ৯ লক্ষ ব্যক্তির আধার কার্ডের বায়োমেট্রিক বন্ধ থাকার ফলে বিভিন্ন সমস্যা দেখা দিয়েছিল।

কাছাড়ের স্বাস্থ্য বিভাগের যুগ্ম-সঞ্চালক এক বিজ্ঞপ্তিতে জেলার গর্ভবতী মহিলাদের আলট্রা সোনোগ্রাফি পরিষেবা প্রদানের জন্য চুক্তির ভিত্তিতে শিলচর, ধলাই, লক্ষীপুর ও কাটিগড়া স্বাস্থ্য কেন্দ্রের দুই কিলোমিটার ব্যাসার্ধের মধ্যে থাকা ডায়গনস্টিক সেন্টার থেকে দরপত্র আহ্বান করেছেন। দরপত্র জমা দেওয়ার জন্য প্রয়োজনীয় নির্দেশিকা ও নথি শিলচরের যুগ্ম স্বাস্থ্য সঞ্চালকের কার্যালয়ে পাওয়া যাচ্ছে। আগামী ৬ই আগস্টের মধ্যে এই দরপত্র জমা করতে বলা হয়েছে। বিশদ বিবরণ জেলা যুগ্ম স্বাস্থ্য সঞ্চালকের কার্যালয়ে পাওয়া যাচ্ছে।

বরাক ভ্যালি অনার এসোসিয়েশনের এক সভা গতকাল শিলচর ঘনিয়ালায় এসোসিয়েশনের অস্থায়ী কার্যালয়ে অনুষ্ঠিত হয়েছে। সংস্থার সভাপতি মনোতোষ ধরের পৌরোহিত্যে আয়োজিত সভার সপদ্য প্রয়াত প্রবীন সাংবাদিক তাজ উদ্দিন বড়ভুইয়ার স্মরণে একটি শোক সভার আয়োজন অনুষ্ঠিত হয়। পরে বিভিন্ন সমাজ সেবা মূলক কাজের সঙ্গে যুক্ত থাকার জন্য সত্য নারায়ন সারদা, মারুফ বরভুইয়া, স্বপণীল ভট্টাচার্যকে সংবর্ধনা জানানো হয়।

লায়ন্স ক্লাব শিলচর সেন্ট্রালের উদ্যোগে এবং লায়ন্স ক্লাব অফ বদরপুর গ্রেটারের সহযোগিতায় আগামী ৩০শে জুলাই কাতিরাইল মুদুরপার দ্বিতীয় খন্ড গ্রামের মুদুরপার কালীবাড়ীতে বিনামূল্যে চক্ষু পরীক্ষা শিবির অনুষ্ঠিত হবে। শিবিরটি সকাল ১০টায় শুরু হবে।

সি পি আই এম দলের ইন্দ্রগর শাখা সদস্য ও কৃষক নেতা দেবেন্দ্র গাটোয়ারের স্মরণে গতকাল মধুরা-ইন্দ্রগড়ে একটি স্মরণ সভা অনুষ্ঠিত হয়েছে। সি পি আই এন উধারবন্দ আঞ্চলিক কমিটির সম্পাদক শংকর ব্রত দে-র পৌরহিত্যে আয়োজিত শোকসভায় সারা ভারত কৃষক সভার কাছাড় জেলা সম্পাদক সুভাষ দেব, সদস্য বনমালী দাস প্রমুখ প্রয়াত গাটোয়ারের জীবনের বিভিন্ন দিক নিয়ে আলোচনা করেন। উল্লেখ্য দেবেন্দ্র গাটোয়ার গত ৩০শে জুন শেষ নিশ্বাস ত্যাগ করেন। মৃত্যুকালে তার বয়স হয়েছিল ৯৩।
